

Jakhongir A. TOKHIROV,
*Dean of the Faculty of Islamic Studies of the
 International Islamic Academy of Uzbekistan
 A.Kadiri str. 11, 100011, Tashkent, Uzbekistan.*
E-mail: j.tokhirov@jiau.uz

МОВАРОУННАҲРИК ОЛИМЛАРНИНГ ТЕМУРИЙЛАР ДАВРИ КАЛОМ ИЛМИ РИВОЖИГА ҚЎШГАН ҲИССАСИ

ВКЛАД УЧЕНЫХ МАВЕРАННАХРА ПЕРИОДА ТЕМУРИДОВ В РАЗВИТИЕ НАУКИ КАЛАМ

THE CONTRIBUTION OF THE SCHOLARS OF MAWARANNAHR TO THE DEVELOPMENT OF KALAM IN THE TEMURID PERIOD

КИРИШ

Тарихда олимлар томонидан ёзib қолдирилган манбалар бугунга қадар етиб келган ва уларни ўрганиш мутахассисларнинг бурчидир. Улар орасида калом илмига доир асарлар Марказий Осиё худудида ислом илмлари ривожида муҳим рол ўйнаган шахслар, хусусан, Али Қушчи ҳаёти ва фаолияти бўйича қўимматли маълумотларни ўз ичига олган. Калом илмига доир манбалар бир қарашда фақаттина диний характерга эга бўлиб кўринса-да, уларни тарихий-ғоявий ва замонавий ижтимоий-гуманитар фанлар тадқиқот услублари орқали ўрганиш – илмий ва ижтимоий-сиёсий жиҳатдан долзарб ва муҳим аҳамиятга эгадир.

Бундай асарлар жаҳон илмий жамоатчилигининг ислом дини билан боғлиқ интеллектуал меросга бўлган қизиқишини ҳам тўла қониктириши мумкин. Уларни ўрганмай туриб, диндан радикал мақсадларда фойдаланиш ҳолатлари ҳам кузатилмокда. Зоро, биз муқаддас динимизни зўравонлик ва қон тўкиш билан бир қаторга қўядиганларни қатъий қоралаймиз ва улар билан ҳеч қачон муроса қила олмаймиз. Ислом дини бизни эзгулик ва тинчликка, асл инсоний фазилатларни асррабайлашга даъват этади.

Бунда айнан Али Қушчининг ҳаёти ва илмий меросини тадқиқ этиш муҳим эътиборга молик. Ўзбекистондаги ислом цивилизацияси марказининг асосий вазифаларидан бири “жаҳон илмфани тарихида ўчмас из колдирган Али Қушчи каби олим ва мутафаккирлар меросининг тарихий ва замонавий цивилизация тараққиётидаги ўрни ва аҳамиятини чукур очиб бериш” (ПҚ-3080-сон қарори), деб белгиланган.

АСОСИЙ ҚИСМ

Калом илмининг темурийлар давридаги ривожи тарихини илмийлик нуқтаи назаридан таҳлил қилиш, ислом дини тамоилларининг асл максади инсониятга хизмат қилиш эканлигини замонавий ёндашувлар орқали асослаб бериш исломшуносликнинг муҳим вазифасига айлан

Бугунги кунда дунё мусулмонларининг аксари аҳли сунна вал жамоа йўналишининг мотуридия ёки ашъария ақидавий мактабига эргашадилар. Бу таълимот ривожига темурийлар даврида Мовароуннахрда яшаган олим Али Қушчининг (805/1403–878/1474) ҳам ҳиссаси салмоқли бўлган. Унинг калом илмига оид “Шарҳ Тажрид ал-калом” асари кариб беш аср мобайнида Усмонли империяси, Мовароуннахр ва унга қўшни ўлкалардаги мадрасаларда (Эронда хозирга қадар) дарслик сифатида ўқитилган. Шунингдек, унга ҳар бир даврнинг машҳур олимлари томонидан шарҳ ва ҳошиялар ёзib келинган. Бироқ Марказий Осиёда, хусусан, Ўзбекистонда алломанинг калом илмига қўшган ҳиссаси ҳалигача яхлит ўрганилмаган. Алломанинг илмий меросини тадқиқ қилиш орқали илоҳиётга оид матнларни тушуниш ва далиллашнинг “тафвиз ва таъвил” усувлари каби глобал даражадаги долзарб масалалар аслиятига ва бугунги кундаги адашган тоифаларнинг талқинига илмий асосда аниқлик киритилади. Мавжуд турли диний-сиёсий оқимлар ва бузғунчи мафкураларга қарши курашда ғоявий қурол вазифасини ўтайди.

Али Қушчи (805/1403–879/1474) ўзининг “Шарҳ Тажрид ал-калом” асарини ёзишида, албатта, у яшаб илмий фаолият олиб борган темурийлар даврининг таъсири ва аҳамияти каттадир. Ушбу давр ва худуддаги диний-маърифий муҳитнинг ҳам муҳим ўрни бор. Буни ёритиш учун эса, айниқса, мазкур даврдаги ақида ва калом илмининг ҳолати, ривожи, бу борада ёзилган асарлар, уларни ўрганиш ва уларнинг диний таълим тизимида

Аннотация: Темурийлар давридаги ақида ва калом илмлери ривожининг ўзига хос жиҳати шундаки, бу пайтга келиб, янги мавзуларда алоҳида мустақил фундаментал асарлар ёзилишидан кўра, асосан, ақида ва калом илмига оид аввалги классик асарларга ёзилган шарҳ ва ҳошиялар аксарни ташкил этади.

Ахли суннанинг мотуридия ёки ашъария йўналишида ёзилган асарларга ҳам аниқлик киритшида мотуридия ва ашъария ўртасида мавжуд айrim ўзига хосликлар асосий мезон бўлиши мумкин. Мазкур фарқлар айrim манбаларда турлича, учтадан олтмиштагача баён қилинган бўлса-да, улар асосан, зоҳирий-иборавий хусусиятга эга эканлиги кўпчилик соҳа тадқиқотчиларига маълум. Фарқларнинг изоҳига багишланган 10 дан ортиқ алоҳида асарлар ҳам таълиф этилган.

Мақолада темурийлар даврида калом илмининг ривожи нисбатан барқарор ва турғун кечиб, кескин ўзгаришилар бўлмагани, моварооннахрик олимларнинг 23 нафари калом илми билан шугулланиб, каломга оид асар ёзгани, улар асосан, шарҳлардан иборат бўлиб, бу эса, ушбу даврга хос хусусият экани таҳлил қилинган.

Калит сўзлар: темурийлар даври, калом илми, Али Қушчи, шарҳ, ҳошия.

Аннотация: Отличительной чертой развития науки “калам” в эпоху тимуридов является тот факт, что к этому времени количество комментариев и полей на предыдущих классических работах больше чем отдельные независимые фундаментальные работы по новым темам.

Можно даже отметить, что этот труд был написан в направлении Ахль ас-Сунна Матуридия или Ашария. Это можно отличить, главным образом, по некоторым особенностям, которые существуют между учениями матуридия и ашария. Хотя в некоторых источниках эти различия описаны по-разному, от трех до шестидесяти, большинству полевых исследователей известно, что они в основном носят образный характер. Также было написано более 10 отдельных работ, объясняющих их различия.

В статье отмечается, что развитие богословия в период Тимуридов было относительно стабильным и без резких изменений, и что 23 ученых Мавераннахра занимались теологией и писали работы по теологии, которые состояли в основном из комментариев, что было характерной чертой этого периода.

Ключевые слова: эпоха тимуридов, науки калам, Али Қушчи, комментарий, поля.

Abstract: A distinctive feature of the development of Kalam science during the Timurid period is that, by this time, the number of sharhs and hashiyas on previous classical works was more than individual independent fundamental works on new topics.

It can be specified that this work was written in the direction of Ahl as-Sunna, that is Maturidiyya or Ash'ariyya. It can be distinguished mainly by some of the characteristics that exist between the Maturidiyya and the Ash'ariyya. Although some sources describe these differences in different ways, from three to sixty, most researchers know that they are word-related differences. More than ten separate papers were also written explaining the differences.

The article notes that the development of Kalam during the Timurid period was relatively stable and without abrupt changes and that 23 scholars of Mawarranahr were engaged in Kalam. They wrote works on Kalam, which consisted mainly of commentaries. It was a characteristic feature of this period.

Keywords: Timurids period, the science of kalam, Ali Kushchi, commentary, marginal notes.

ўқитилиши каби масалаларни манбалар асосида таҳлил қилишга ҳамда илмий тадқиқотга жалб қилишга зарурий эҳтиёж туғилади.

Таъкидлаш керакки, мазкур “давр фарзанди” бўлмиш Али Қушчининг ҳаётини ва ушбу муҳит ҳосиласи бўлган унинг илмий фаолиятини ёритишида у яшаган даврдаги илмий ва сиёсий муҳит борасида сўз юритиш муҳимдир. Бунда қуйидаги жиҳатлар ойдинлашади: 1) Али Қушчи ҳамда ўз замонасидаги ҳукмдорлар ўртасидаги алоқалар; 2) ҳукмдорларнинг олимларга, хусусан, Али Қушчига бўлган муносабати; 3) сиёсатнинг илм ва олимларга бўлган таъсири. Ушбу жиҳатлар хусусида сўз юритиш асносида ҳукмдорларнинг ижобий сиёсати билан олимлар фикрий-ғоявий

акс-садосининг кўлами маълум бўлади. Олимлар кандай ҳукмдорлар ҳукми остида яшаб, ижод қилиб, асар ёза оладилар? Икки хил вазият мисоли: 1) илм-фанга ва тадқиқотчи олимларга шижаот ва рағбат, эътибор ва ғамхўрлик кўрсатган Мирзо Улугбек ва Султон Мұҳаммад Фотиҳ иккинчи каби ҳукмдорлар мисоли; 2) илм ва олимларга қаршилик кўрсатган Абдулатиф каби ҳукмдорлар мисоли.

Мазкур икки мисол Али Қушчи ҳаёти билан боғлиқ эди. Унга катта таъсир кўрсатган, ҳаётида чукур из қолдирган ушбу даврлар хусусида сўз борар экан, Али Қушчининг илмий салоҳиятига темурийлар ва усмонийлар даврлари маданияти кандай таъсир кўрсатганлиги намоён бўлади:

- 1) Али Күшчи яшаган давр ва икки давлат;
- 2) Али Күшчининг илмий салоҳиятига давр маданиятининг кўрсатган таъсири.

Али Күшчи яшаган даврни шартли равишда уч босқичга таснифлаш мумкин: 1) темурий хукмдорлар соясида Самарқанддаги ўсмирилик ва ёшлик даврида оиласи ва қариндошлари орасида, устози Мирзо Улуғбек қарамоғида, унинг вафотига (ваф. 853/1449) қадар бўлган пайтлар; 2) Мовароуннахрда темурийзодалар ўртасидаги сиёсий бекарорлик даври; 3) усмонийлар давлати соясида Султон Муҳаммад Фотих иккинчи даври (А. Афиий, 2001:23).

Мовароуннахрда XV асрдаги калом илмининг ривожланишида X асрдаги буюк мутакаллим Абу Мансур Мотуридийнинг (256/870–332/944), ва унинг издошларининг ўрни ниҳоятда катта бўлган. У яшаган даврга келиб (IX асрнинг охири – X асрнинг биринчи ярми) ислом динида пайдо бўла бошлаган турли гуруҳ ва фирмаларнинг сони кўпайиб кетган эди. Бу ҳолат имон-эътиқод масалаларида кўплаб ихтиофларни келтириб чиқарди. Шундай гуруҳлардан бири мўътазилийлар бўлиб, улар ақидавий масалаларни шарҳлашда нақлий (Куръон ва ҳадис) далиллардан ақлий (мантикий-фалсафий) далилларни устун кўяр эдилар. Натижада, салаф ҳамда аҳли ҳадис уламолари орасида калом илмига нисбатан танқидий фикрлар пайдо бўла бошлади. Мана шундай мураккаб шароитда улуғ аллома-мутакаллим Абу Мансур Мотуридий вужудга келган муаммоли вазиятни илмий асосда ислоҳ этишда катта ҳисса қўшди. Немис олими профессор Ульрих Рудольф таъкидлаганидек, Имом Мотуридий “калом илмини шариат билан синтез қилишга муваффақ бўлди”. Шу билан бир қаторда олим раъи масаласига алоҳида эътибор қаратиб, уни кўпроқ фуру ал-Фиқҳ соҳасида ишлатиш ўринли, деб топган. Асосийси, калом хос илмлардан бўлгани сабабли ва фитналарнинг олдини олиш мақсадида уламолар доирасидан авом ҳалқ орасига чиқармасликка чақирилгани ҳам эътиборга моликдир (У. Рудольф, 2002).

Шу тариқа Имоми Аъзам Абу Ҳанифанинг (80/699–150/767) таълимотига суюнган холда ўзига хос калом мактаби шаклланиб борди. Лекин Мотуридий вафотидан кейин Мовароуннахрда мазкур мактабнинг мавқеи маълум даражада сусая бошлади. Шунинг учун Мотуридийдан кейин Мовароуннахрда унинг таълимотини тўғри талқин қилиб кенг тарғиб қиласидан ҳамда асосиз фикр ва танқидлардан уни ҳимоя қила оладиган олимларга зарурат сезила бошлаган эди. Мана

шундай шароитда унинг таълимоти билан батафсил танишиб, бу таълимотнинг мазмун-моҳиятини теран англаган издоши, насафийлар сулоласидан этишиб чиқкан йирик мутакаллим Абу Муин Насафий (437/1046–508/1114) Имом Мотуридий таълимотини давом эттириб, уни янада ривожлантириди.

НАТИЖА

Абу Ҳанифанинг ақида ва каломга оид фикрлари “Ал-Фиқҳ ал-акбар” асарида ихчам матн шаклида баён қилинган бўлиб, муайян усулга (методология) тамал тоши қўйилган. Кейинчалик, ушбу мазҳаб издошларидан Абу Мансур Мотуридий унинг қарашларини янада ривожлантириб, ўз даври тақазосига кўра, ўзига хос услубда ёндашиб, нақлий ва ақлий-мантиқий далиллаш усулларига асос солди. У ўзининг “Китоб ал-Тавҳид” (Мотуридий, 2001) асарини шундай услубда мураккаб тилда ёзган. Абу Муин (Майн, Муайян) Насафий эса ўзининг “Табсират ал-адилла” асарида уни каломий усулда (“Баҳр ал-калом”да эса ақидавий усулда) кенг шарҳлаган. Кейинчалик, Абу Ҳафс Насафий (462/1070–537/1143) ҳам ўзининг “Ал-Акоид ан-Насафия” асарида Абу Ҳанифа ва Абу Мансур Мотуридийларнинг мазкур асарларидан таъсирланиб, фойдаланиб, асосан ақидавий, қисман каломий усулда баён қилган. Айнан унинг ушбу асари “Табсира”дан ҳам кўра машҳур бўлиб кетади. Бунинг асосий сабаби шуки, у давлат миқёсида қўллаб-қувватланди, кўплаб мадрасаларда таълим тизимига киритилди. Ҳатто ҳамма жойга мажбурий татбиқ қилиш ҳақида ташаббус билдирилганида муаллифнинг ўзи бунга розилик бермаган.

Дарҳакиқат, ўз даврининг кўплаб забардаст алломалари нафақат катта илмий салоҳият, балки ҳукмрон давлат ва жамиятнинг қўллови сабабли ҳам ҳурмат ва эътибор топган, асарлари кенг ёйилган, ўрганилган, шарҳланган, методологияси шогирд ва издошлари орқали бардавом бўлган.

Ўрта асрлар, хусусан, темурийлар давридаги ақида ва калом илмлари ривожининг ўзига хос жиҳати шундаки, бу пайтга келиб, янги мавзуларда алоҳида мустақил фундаментал асарлар ёзилишидан кўра, асосан, ақида ва калом илмига оид аввалги классик асарларга ёзилган шарҳ ва ҳошиялар кўпчиликни ташкил этади. Номида бирор асарнинг шарҳи эканлиги ёзилмаган ва очик кўринмаса-да, мазмуни билан яқиндан танишган мутахассислар томонидан унинг айнан қайси асарга

шарх ёки ҳошия эканлиги аниқланиши мүмкін. Ҳатто ушбу асар ахли суннанинг мотуридия ёки ашъария йўналишида ёзилганлигига ҳам аниқлик киритиш мүмкін. Бунда асосан, мотуридия ва ашъария ўртасида мавжуд айrim ўзига хосликлар оркали ажратиб олиш мүмкін. Мазкур фарқлар айrim манбаларда турлича, учтадан олтмиштагача (3,13,20,40) баён қилинган бўлса-да, улар асосан, зоҳирий-иборавий хусусиятга эга эканлиги кўпчилик соҳа тадқиқотчиларига маълум. Бу борада фарқларнинг изоҳига бағишланган 10 дан ортиқ алоҳида асарлар ҳам таълиф этилган. Ибн Хумом (790/1388–861/1457) (Сивосий, 1929), Абулхайр Тошкўпризода (901/1495–968/1561), Тожуддин Субкий (727/1327–771/1370) кабилар шулар жумласидандир.

МУХОКАМА

Бу даврда аввалги қисқа матнлар эндиликда кенгроқ шарҳланган ҳамда бир асарга ёзилган турли шарҳлардан иқтибослар олиниб, қиёсланиб хulosавий баён қилинган. Али Қушчининг “Шарҳ Тажрид ал-калом” асари ҳам шундай усул сирасига киради. Кейинчалик, асарлар катта ҳажмли бўлиб кетганилиги сабабли соддалаштирилиб, натижада “талхис” (мухтасар) жанридаги қисқартама кўринишидаги асарлар ҳам ёзилган.

Темурийлар даврида калом илмининг ривожи нисбатан барқарор ва турғун кечиб, кескин ўзгаришлар бўлмаган. Мовароуннахрлик олимларнинг 23 нафари калом илми билан шуғулланиб, каломга оид асар ёзган. Улар асосан, шарҳлардан иборат бўлиб, бу эса, ушбу даврга хос хусусият эди. Абу Ҳанифанинг “Ал-Фикҳ ал-акбар” асарига ҳам темурийлар даврида куйидаги шарҳ ва ҳошиялар ёзилган (Ҳ.Аминов, 2021): Акмалуддин Бобартий (714/1314–786/1384, “ал-Иршод” номли ва “Ал-Васият”га (Бобартий, 2009), “Ал-Ақоид ал-Таховия”га, “Тажрид”га ҳам) (Бобиртий, 1989), Алоуддин Бухорий (779/1377–841/1438, ўз шарҳини темурий султонларидан Мирзо Улуғбекка бағишилаган), Абун-Нажо ибн Ҳалаф ибн Мухаммад Шофеъий (849/1445–895/1490), Мухаммад ибн Баҳоуддин Байрамий Румий (ваф. 956/1549, “Ал-Қавл ал-fasl” номли), Илёс ибн Иброҳим Сийнобий (ваф. 891/1486), Абулбақо Мухаммад ибн Али Ахмадий (ваф. 918/1512, “Иқд ал-жавҳар назм наср Ал-Фикҳ ал-акбар” номли) (Чалабий, 1941).

Абу Муин Насафийнинг “Табсират ал-адилла” асарини ривоят қилган куйидаги XIV–XV аср

олимлари темурийлар даврида яшаб калом илми билан шуғулланганлар: Камолиддин Мухаммад ибн Абдилвоҳид ибн Абдилҳамид (790/1388–861/1457), Сирожуддин Умар ибн Али (“Қори хидоя” лақаби билан машхур, ваф. 827/1423), Шайх Алоуддин Сайрафий (ваф. 790/1388), Сайид Жалолуддин “Шорих хидоя” (ваф. 776/1365), Абдулазиз ибн Аҳмад Бухорий (ваф. 730/1329) (С. Оқилов, Ж. Тоҳиров, Ў. Палванов, 2020). Асосан, машхур ҳанафий факихлари даражасига етишган мазкур таниқли олимларнинг “Табсира”га мурожаат қилиб, уни ривоят қилганларидан шундай хulosага келиш мүмкінки, XIII асрда фикҳ илми билан бир қаторда маълум даражада калом илми, хусусан мотуридия таълимоти ҳам алоҳида эътиборда бўлган. Лекин “Табсира”ни ривоят қилган юқоридаги ҳанафий уламоларининг деярли барчаси ўзларининг илмий фаолиятларида асосан калом илми билан эмас, балки фикҳ илми билан шуғулланганлар. Бу даврларда энди мадрасаларда ақоид фанидан асосан матнлар ва шарҳлар ўқитила бошланган.

Абу Ҳафс Насафийнинг (Умар ибн Муҳаммад ибн Аҳмад ибн Исмоил ибн Муҳаммад ибн Али ибн Луқмон Ҳанафий Насафий Самарқандий 462/1070–537/1143) “Ал-Ақоид ал-Насафия” асарига темурийлар даврида ҳам кўплаб шарҳ ва ҳошиялар ёзилган. Жумладан, Исфаҳоний (Абус-Санъо Маҳмуд ибн Аҳмад ваф. 749/1392) “Шарҳ ақоид Насафий”ни; Қувнавий (Ибн Сирож Жамолиддин Маҳмуд ибн Аҳмад ваф. 770/1369) “Ал-Қалоид шарҳу-л-ақоид”ни, Маккий (Муҳаммад Тоҳир Сунбул) “Шарҳ ақоид Насафий”ни, Саъдуддин Тафтазоний (ваф. 791/1389) “Шарҳу-л-ақоид Насафия”ни, Ҳумайдий (Шамсуддин Аҳмад Боязид Сарваҳоний ваф. 854/1450) “Шарҳу-л-ақоид Насафия”ни, Мақдисий (Саъид ибн Муҳаммад ибн Абдуллоҳ Диёрий ваф. 867/1463) “Шарҳу-л-ақоид Насафия”ни, Ҳаравий (Аҳмад ибн Усмон Ҳайрхабоний ваф. 900/1495) “Ҳаллу-л-маъқид фи шарҳи-л-ақоид”ни, Жалолиддин Даввоний (Муҳаммад ибн Асъад ваф. 918/1513) Шарҳу-л-ақоид Насафия”ни ёзган.

Абул Баракот Абдуллоҳ ибн Аҳмад ибн Маҳмуд Насафий (629/1232–710/1310)нинг ақидага оид “Умдат ал-ақоид” (“Ақидалар асоси”) ёки “ал-Умда фи усул ал-дин” (“Дин усуllibаридан таянч”) асарига ҳам темурийлар даврида ёзилган шарҳ ва ҳошиялар куйидагилар: Аҳмад Қувнавий (ваф. 770/1369) “Зубда”, Шамсиддин Қувнавий (ваф. 788/1386), Аваз Доңишманд Ақшиҳарий (XIV) “Инқоз”, Исмоил Маккий (ваф. 846/1442), Шамсиддин Никсарий (ваф. 901/1495) ларнинг

шархлари шулар жумласидан. “Умдат ал-Ақоид” Абу Ҳафс Насафийнинг “Ақоид ан-Насафий” рисоласи билан матн ва услугуб жиҳатидан деярли бир хил. Балки шунинг учундирки, Лондонда 1843 йили Уильям Квертон томонидан “Умдат ақидат Аҳл ас-сунна вал-жамоа” асари “Pillar of the Creed of the Sunnites” номи остида бирга нашр этилган.

Шунингдек, темурийлар даврида мовароуннахрлик калом олимларининг асарлари усмонли мадрасаларида ҳам таълим тизимиға киритилган. Ақида ва калом уч босқичда қуйидаги асарлар асосида ўқитилган (А. Муминов, 2018) 1) Абу Ҳафс Умар Насафийнинг “ал-Ақоид” асари ва унга Тафтазонийнинг шархи ҳамда унга Шамсиддин Ҳаёлийнинг (1481) ҳошияси; 2) Насриддин Тусийнинг (1273) “Тажрид ал-калом” асарига сунний олимлардан Шариф Журжоний (1413) ва Шамсуддин Исфаҳоний (1348) ёзган шархлар, Ийжийнинг (1355) “ал-Мавоқиф” асарига Журжоний ва Жалолиддин Даввоний (1502) шархлари; 3) Қози Байзовийнинг (1286) “Таволеъ ал-анвор мин матолеъ ал-анзор” асарига Исфаҳоний шархи ва Журжоний ҳошияси.

Таъкидлаш жоизки, калом илмининг ривожи ўрганилаётган ушбу темурийлар даври, мотуридия калом мактаби тараққиётининг тўртинчи даврига тўғри келади. Таниқли француз шарқшуноси, профессор К. Джиллиот мотуридия таълимотининг учта ривожланиш босқичини ажратиб, унинг охирги – учинчи босқичи V/XI асрга тўғри келишини айтган. Ў. Полванов эса, олимларнинг ҳиссаси ва тарихий воқеаларни омил сифатида асос қилиб мотуридия таълимотини қуйидаги яхлитланган тўрт даврга таснифлаган:

1. Асос солиниш босқичи (238/853–333/944) Абу Мансур Мотуридий яшаган давр.

2. Шаклланиш босқичи (333/945–390/1000) Абу Мансур Мотуридий вафотидан шогирди Абдулкарим Паздавий (390/1000) вафотигача бўлган давр.

3. Ривожланиш босқичи (391/1001–750/1349) Садрушшири Убайдуллоҳ ибн Масъуд (1346) вафотигача бўлган давр.

Самарқанддаги мактаб таъсирида Бухоро ва Насаф мотуридия таълимоти мактаблари шаклланган давр (М. Шайбоний, 2012). Алоуддин Усмандий (488/1095–552/1157) (А. Кураший, 2012), Сирожуддин Ўший (ваф. 569/1174). Абул Юср Паздавий (421/1030–493/1100) (А. Кураший, 2012), Абдулкарим Паздавий (ваф. 390/1000) (А. Кураший, 2012), Абу Ҳафс Умар Насафий (462/1070–537/1143) (М. Заҳабий, 2011), Нуриддин

Собуний (ваф. 580/1184) (ибн Қутлубуғо, 2015), Саффор Бухорий (460/1068–534/1139) (Бағодий, 2012). 4. Кенг ёйилиш босқичи (750/1350 йилдан кейин) Тафтазоний (1322–1392) ақида илмидаги ижоди бошланган (1350) давр. “Мотуридийлик калом мактаб”лари ва мадрасалар маҳаллий (темурийлар 1370–1506) ва ҳудудий миқёс (усмонийлар 1299–1924, бобурийлар 1526–1858) даражасига чиқкан давр. Улар ҳанафий-мотуридий мазҳабида бўлиб, тарғиб ҳам қилганлар (Ү. Öztuna, 1986).

Дастлаб, алоҳида ҳукмдорлар шу мазҳабга ёргашган бўлсалар, мазкур иккинчи қўтарилишда бутун бошли ҳукмдор сулола вакиллари бу мазҳабда бўлганлар. Албатта, бу таълимот тарихидаги энг катта тарихий ҳодиса ҳисобланади. Хусусан, темурийлар сулоласининг асосчиси Амир Темур ҳам шу мазҳабда бўлган. У мотуридия таълимотининг маркази – Мовароуннахрда мўғуллар ҳукмронлигига барҳам бериб, ўз давлатига асос солиши ушбу ҳудудда мотуридия таълимоти мактабарининг қайта ташкил топишида муҳим рол ўйнаган. Шунингдек, Мовароуннахрда бирин-кетин ҳукмронлик қилган шайбонийлар, аштархонийлар, Мангит ва Қўнғирот сулолаларининг бошқарувлари мобайнида ҳам ҳанафийлик мазҳаби давлат даражасида бўлган.

Усмонли империяси тарихида таъсис этилган “Шайхулислом” лавозимига дастлаб Шамсуддин Фанорий (Румий Ҳанафий 751/1350–834/1431) (Зириклий, 2012) тайинлаган. Зотан, у ҳанафий-мотуридий олими бўлиб, айни пайтда, Саъдуддин Тафтазоний китобларидан нусхалар кўчириш билан ҳам шуғулланган эди. К.Джиллиот ҳам мотуридия таълимотининг кенг ёйилишида алломанинг “Шарҳ ал-Ақоид” асари муҳим ўрин тутганлигини таъкидлаб ўтган. Ҳатто, машҳур немис шарқшуноси профессор В. Маделунг “мотуридия” номини Саъдуддин Тафтазоний танитганлигини айтган.

И мом Абу Ҳанифа ва унинг шогирдлари, хусусан, И мом Абу Юсуф (113/731–182/798)нинг Ислом тарихидаги дастлабки “Қозийул-қузот” бўлиб, ҳанафий мазҳабининг кенг ёйилишига кўрсатган таъсирига қиёслаш мумкин.

Ҳаёлий (Аҳмад ибн Мусо, 829/1426–860/1456) Саъдуддин Тафтазонийнинг “Шарҳ ал-Ақоид” асарига ёзган ҳошиясида шундай таъкидлаган: “Хурсон, Ироқ, Шом ва бошқа кўплаб шахарларда ашъарийлар “Аҳл ас-сунна вал-жамоа” номи билан машҳурdir. Мовароуннахр диёрида эса, мотурийлар “Аҳл ас-сунна вал-жамоа” номи

билин машхур бўлиб, улар Абу Мансур Мотуридийга эргашганлардир. “Ма турид” бу – Самарқанддаги маҳалла номидир. Бугунги кунда (IX/XV аср) юқоридаги худудларга ҳам мотурийлик аллақачон кириб борган”. Лекин 1342/1924 йили империя таназзули билан мавжуд ҳанафий-мотуридийлик мактаби ҳам барҳам топган ва уламолар тазийк остига олинган.

Саъдуддин Тафтазоний “Шарҳ ал-Мақосид” номли китобида мотуридийлик ва ашъарийлик таълимотларини таҳлилий ўрганиб, улар ўртасида баъзи бир масалалар борасида ихтилофлар бўлишига қарамасдан ҳар иккаласи ҳам Ахл ас-сунна ва-л-жамоадалигини алоҳида таъкидлаган (Тафтазоний, 1998).

Ҳисомуддин Сифноқий (Хусайн ибн Али ибн Ҳажжож ибн Али Бухорий Ҳанафий ваф. 714/1314–1315) Абу Муин Насафийнинг “ат-Тамҳид фи қавоид ат-тавҳид” асари ровийси ва унга “ат-Тасдид” номли шарҳ ёзган (Х. Зириклий, 2012), Абу Мансур Мотуридийнинг “Китаб ат-Тавҳид” асаридан унумли фойдаланган.

Садрушшария Убайдуллоҳ ибн Масъуд (1346) “Таъдий ал-улум фи ал-калом” таркибий жиҳатдан уч кисмдан иборат: мантиқ, ақоид ва турли илм соҳаларига бағишланган. Насруддин Тусийнинг (ваф. 1274) “Тажрид ал-ақоид”, “Шарҳ ал-Ишорот”, “Ас-Саҳойиф”, “Аш-Шифо” сингари асарларидан иқтибослар келтирган. Асар мотуридия таълимоти бўйича муҳим манбалардан бири ҳисобланади.

Хожа Муҳаммад Порсо Бухорий (749/1348–823/1420) форс тилида “Эътиқодот” асарини ёзган .

Алоуддин Бухорий (779/1377–841/1438) Тафтазонийнинг шогирдларидан, нақшбандия тариқатининг йирик вакилларидан, фикҳ, ақоид ва бошқа шу каби илмларнинг етук олимни бўлган (А. Навотий). Унинг “Рисола фи ал-эътиқод”, “Фодиха ал-мулҳидин ва носиха ал-муваҳҳидин” (Ибн Арабий (560/1165–637/1240)нинг “Фусус ал-ҳикам” номли рисоласига раддия), “Мулжима ал-мужассима” каби ақоид илмига оид асарлари мавжуд ҳамда улар мотуридия таълимоти бўйича муҳим манбалардан ҳисобланади. Жумладан, у “Рисола фи ал-эътиқод” номли асарида жами олтмиш учта ақидавий масалаларни ёритган. У масалалар “мукаллаф бандага илк вожиб амал” билан бошланиб, рофизийларнинг Али розияллоҳу анху ҳамда унинг авлодлари ер юзига қайтиши ҳақидаги қарашига раддия билан яқунланган (М. Ҳанафий, 2012). “Мулжима ал-

мужассима” асари муқаддимасида 832/1428–1429 йили Бағдодгага борганида, у ерда Ибн Таймиянинг хотүғри қарашлари тарқалиб, унинг ўзи ҳам, унга эргашганлар ҳам тўғри йўлдан адашганини ҳикоя қилган. Ибн Таймияга 4 та раддия берган: “Вожиб ал-вужуд”нинг жисмлик хусусиятлардан поклиги, дўзахнинг фоний эмаслиги, пайгамбарлар ва азиз авлиёларнинг қабрларини зиёрат қилиш мақсадида сафар килиш жоизлиги ва уч талоқнинг тушиши ҳақида.

ХУЛОСА

Хулоса ўрнида шуни айтиш керакки, темурийлар давридаги қалом илми ривожи аввалги даврлар даражасидаги каби бўлмасада, қаломга оид дастлаб ёзилган кўплаб асарларга турли шарҳлар ёзилиши, кенг худудларга ёйилиши ва ўқитилиши нуқтаи назаридан ўзига хос салмоқли бўлган. Буни эса, шундай изоҳлаш мумкинки, мазкур даврда ақидавий фирмаланиши ва ўзаро тортишув, баҳсмунозараларнинг авж олиш фаоллиги аввалги даврлардагидек юқори бўлмаган. Бунга аввало, маҳаллий аҳли сунна олимларининг салоҳияти ва айнан уларнинг асарлари кенг ўқитилиши, бошқа фирмаларга илмий асосланган муносиб раддиялар берилган. Шунингдек, ушбу олимлар фаолиятини маҳаллий ҳукмдорлар қўллаб-қувватлаган, фирмаланишларга эса, қаттиққўллик билан барҳам берилган.

Қиёсий мисол учун, айнан ақидавий масалалардаги баҳслар “Хулафои рошидун” ва умавийлардан кўра, аббосийлар даврида авж олди. Уларга илмий жавоблар бериш учун қалом илми ривожланди, кўплаб асарлар ёзилди.

XVII–XIX асрдаги иқтисодий-сиёсий таназзул ва XX асрдаги мағкуравий-диний таназзул сабабли ақидавий баҳслар камайгани боис қалом илми таназзулга юз тутган.

Бугунги даврда эса, яна ақидавий баҳслар сиёсий даражада авж олган, табиийки, ақида ва қалом илмига, ушбу илм билимдонлари ва мутахасисларига катта эҳтиёж сезилмоқда.

МАНБА ВА АДАБИЁТЛАР РЎЙХАТИ

1. Афиғий А. Али Кушчининг “Унқуд аз-завоҳир фи-сарф” асари муқаддимаси. Дор кутуб ал-мисрия. – Коҳира. 2001.
2. Рудольф У. Мотуридий ва Самарқанд суннийлик илоҳиёти. – Т.: Имом ал-Бухорий халқаро жамғармаси, 2002.

3. Абу Мансур Мотуридий. Китоб ат-тавҳид. – Истанбул: Дору-л-Иршод, 2001.
4. Камолуддин Мухаммад ибн Абдулохид Сивосий Ҳанафий. Ал-Мусаярот. – Қохира: ал-Мактаба ал-Маҳмудия ат-тижоия, 1929.
5. Исимуддин Аҳмад Тошкӯпризода. Мифтоҳ ас-саода. – Истанбул: Дор ал-Фатҳ, 2009.
6. Тожуддин Абдулаҳҳоб ибн Али Субкий. Ал-Қасида ан-нуния // Табақот аш-шофия ал-кубро. – Истанбул: Дор ал-Фатҳ, 2009.
7. Имоми Аъзам Абу Ҳанифа. Ал-Фикқ ал-ақбар (Тадқиқот, матн, илмий изоҳлар) / Таржимон, нашрга тайёрловчи: Ҳамидуллоҳ Аминов. – Тошкент: “Ўзбекистон халқаро ислом академияси” нашриёт-матбаа бирлашмаси, 2021.
8. Акмалуддин Бобартий. Шарҳ ал-Васият. – Истанбул: Дор ал-Фатҳ, 2009.
9. Акмалуддин Бобиртий. Шарҳ Ақида ахл ас-Суннат вал-жамоат. – Кувайт: Визорат ал-авқоф, 1989.
10. Котиб Чалабий. Кашф аз-зунун. – Истанбул: “Маориф” матбааси, 1941. Ж. 2.
11. Hafidh-Uldin Abulbarakat Abd-Ullah al-Nasafi. Pillar of the Creed of the Sunnites. Editor: William Cureton. – London: The Society for the Publication of Oriental texts, 1843.
12. Baltacı, Cahid. XV–XVI. Yüzyıllarda Osmanlı Medreseleri. I-II. 2. Baskı. – İstanbul: Ulus Matbaası, 2005.
13. Муминов А.К. Научное наследие ханафитских ученых Центральной Азии и Казахстана: Монография. – Астана. 2018.
14. Gilliot C. Theology // History of civilization of Central Asia. – Quetigny: Imprimerie darantiere, 2000. – Vol. IV.
15. У.Полванов. Саъдуддин Тафтазонийнинг темурийлар даври мотуридия таълимоти ривожига қўшган хиссаси. Тарих фанлари бўйича фалсафа доктори (PhD) илмий даражасини олиш учун ёзилган диссертация.– Тошкент: Ўзбекистон халқаро ислом академияси, 2020.
16. Валийуддин Абдураҳмон ибн Мухаммад Ҳадрамий. Муқаддима Ибн Ҳалдун (732/1332–808/1406). – Дамашк: Дор Яъруб, 2004. Ж. 2.
17. Иззуддин Абулҳасан Али ибн Мухаммад ибн Мухаммад Шайбоний. Ал-Камил фи ат-тарих. – Байрут: Дор ал-китаб ал-арабий, 2012. Ж. 10.
18. Абдулқодир Кураший. Ал-Жавоҳир ал-музия.- Байрут: Дор ал-китаб ал-арабий, 2012.
19. Хайруддин Зиреклий. Ал-Аълом. – Байрут: Дор ал-китаб ал-арабий, 2012.
20. Ҳожи Ҳалифа. Кашф аз-зунун. – Байрут: Дор ал-китаб ал-арабий, 2012.
21. Мухаммад Заҳабий. Сияр аълом ан-нубало. – Байрут: Дор ал-китаб ал-арабий, 2011.
22. Зайнуддин Қосим ибн Қутлубуғо. Тож ат-тарожим. – Байрут: Дор ал-китаб ал-арабий, 2015.
23. Муҳаммад Абдулҳай Лакнавий. Ал-Фавоид ал-баҳия. – Байрут: Дор ал-китаб ал-арабий, 2014.
24. Исимол Пошо Бағдодий. Ҳадийя ал-орифин. – Байрут: Дор ал-китаб ал-арабий, 2013.
25. Öztuna Y. Osmanlı devleti tarihi. – İstanbul: Ötüken Neşriyat, 1986. C. 2.
26. A'goston G., Masters B. Encyclopedia of the Ottoman Empire. – New York: Facts on File, 2008.
27. Madelung W. Al-Taftāzānī // Encyclopaedia of Islam (Second Edition). – Quetigny: Imprimerie darantiere, 2000. – Vol. IV.
28. Абулҳасанот Мухаммад Адулҳай Ҳиндий Лакнавий. Ан-Нофиъ ал-қабир. – Караби: Идорат ал-Куръон ва ал-улум ал-исламия, 1990.
29. Шамсуддин Аҳмад ибн Мусо Ҳаёлий. Ҳошия ало шарҳ ал-Ақоид ан-насафия /Таҳкиқ муаллифи: Мухаммад ал-Аъззазий. – Байрут: Дор ал-кутуб ал-илмия, 2017.
30. Саъдуддин Тафтазоний. Шарҳ ал-Макосид. – Байрут: Олам ал-кутуб, 1998. Ж. 5.
31. Садрушариъа Убайдуллоҳ ибн Масъуд Бухорий Ҳанафий. Шарҳ Таъдил ал-улум. – Лейпциг: Лейпциг университети кутубхонаси фонди. Қўл-ёзма. – № 043.
32. Абдулҳусайн Навотий. Рижоли китоб ҳабиб ас-сияр. – Байрут: Дор ал-китаб ал-арабий, 2016.
33. Алоуддин Мухаммад ибн Мухаммад Бухорий Ҳанафий. Рисола фи ал-эътиқод. – Кувайт: Дор ад-диёли-н-нашр ва-т-тавзӣ, 2012.

